

ХЪУСАЙН ШОВХАЛОВ

**ЯАХ1УМА ЯАРАН
БУСАЛБА ДИНЕХЪ
Г1ИЛЛАКХАШ**



Хъусайн Шовхалов
ЯАХ1УМА ЯАРАН БУСАЛБА
ДИНЕХЪ Г1ИЛЛАКХАШ

http://www.litres.ru/pages/biblio_book/?art=63470756

ISBN 9785005189585

Аннотация

– Яах1ума яаран г1иллакхаш;– Яах1ума яаран нийса куц;–
Берашна а, баккхийчарна а яах1ума яа 1амор;– Яах1ума яарехъ
хъарам дерг;– Вовшахкхеттачохъ яах1ума юуш лело дезарг;–
Хьошалла нийса дар;– Хьошалг1ахъ лело дезарг.

Содержание

ДЕШХЪАЛХЕ	5
ЯАХ1УМА ЯАЛЕ ХЪАЛХА ЛЕЛО ДЕЗА	7
1- КУЫЙГАШ ДИЛАР	7
2-ДИКА НИЙАТ ДАР	8
1-ШЕН ДЕГ1 ЛАРДАР	8
3) -ЯА Х1УМА ЯАЛЕ ХЪАЛХА БИСМАЛ ДАККХАР	10
4) -АБТТО Я АБРО АГ1ОННА Т1Е ДУКХ Т1ЕХЪ ПАРХАТ ВОЛУШ Д1АТАЫНА ЦА ХИЛАР	12
5) -ЯЪХ1УМА ХЪАНАЛ ХИЛАР	13
6) -ШЕН РИЦ1КЪАНА РЕЗА ХИЛАР	14
7) -НИЙСА-ОБЗДА ОХЪА ХААР	15
8) -ГАЙ Т1ЕХЪ ВИЖИНА ВОЛУШ ЯАХ1УМ ЦА ЯАР	16
9) -ЯЪХ1УМА ЮУШ ЦХЪАНА КХЕТТА ГУЛБАЛАР	17
10) -ЯАХ1УМА КЕЧ А ЙИНА, НАХ КХАЙКХАР	19
Конец ознакомительного фрагмента.	20

ЯАХ1УМА ЯАРАН БУСАЛБА ДИНЕХЬ Г1ИЛЛАКХАШ

Хьусайн Шовхалов

© Хьусайн Шовхалов, 2020

ISBN 978-5-0051-8958-5

Создано в интеллектуальной издательской системе Ridero

ДЕШХЪАЛХЕ

Биссмиллах!иррохъманиррохъийм

Хастам бу Аллах!ана !аламаш кхиош-кхобуш волчу, цар-на мел оышург билгалла дина волчу. Аллах!ера маршо а, хъаставар а хуьлда Цуьнан пайхамарн Мухъаммадан а, цуь-нан доьзалшна а, асхъабашна а, цара лелийнарг лелош, царна т!ехъ мел ваьзначунна а къематде даллац.

Х!ора бусалбачу стагна а, зудчуна а, жимачун а, воккха-чун а хаа дезаш ду шен дахарехъ шена т!елитталучу х!ума-нех !илма. Цундела, дуккха а х!ума хаа дезаш хуьлу иза, шен дахар Дала ма-бохху нийсачу кепара хилийтархъама. Ткъа тахана неха !илманца йолу юкъаметтиг г!ельеллачу за-манахъ, бусалбачу нахана шайн динах дукха х!ума ца девза-чу деношкахъ, т!ехъ ч!ог!а ду церан хъашт царна динехъ дерг довзийтар, ислам динца дог!уш Дела реза волчу кепара церан дахар нисдалийтархъама.

Цундела, х!ара жайна бусалбачу динехъ яах!ума яаран а, маларан а г!иллакхаш билгалла деш ду.

Тахана бусалба нах хъаште бу яах!ума юуш дино билгалла дина суннаташ шайна довза а, уьш ларда а. Къаьстина тахана уьш девзаш берш к!езиг хуьлу, цундела и суннаташ д!адовла

герга дахана, цхъадерш д1а а девлла.

Х1ара бусулба г1иллакхаш шена 1амийна ца 1аш, ца девзачун 1амо хъажа веза. Ткъа тахана дукха го вайна воккханиг а, жиманиг а, стаг а, зуда а шаьш яах1ума юучу хенахь х1ара г1иллакхаш лар ца деш, г1алаташ дуьйлуш. Цундела воккханиг а, жиманиг а, стаг а, зуда а нисвала хъажа веза цу г1иллакхаш т1ехь, т1аккха церан яах1ума яар Дела реза волчу кепара нислур ду, уьш леладарн царна ял а хир ю Дала мукълахь.

Х1ара яах1ума яаран г1иллакхаш дерриш цхъанакепара дац. Цхъадерш х1ума яале хьалха, вуьйш х1ума юуш, иштта х1ума йиинчул т1аьхьа а ду. Уьш къасто атта хилийтархьама аса уьш кхаа декъе декъна. Иштта кху жайни т1ехь хьахийна нах цхъаьнакхетта х1ума юуш а, хьошалг1а вахча а, хьошала деш а лело деза г1иллакхаш.

Дала аьтто бойла хьан х1орш 1амада.

Шовхал Сайд-Селиман Хьусайн.

ЯАХ1УМА ЯАЛЕ ХЪАЛХА ЛЕЛО ДЕЗА Г1ИЛЛАКХАШ

**Х1ара бусалба г1иллакхаш яах1ума
вола валле хъалха лелош ду**

1- КУЪЙГАШ ДИЛАР

Яа1ума яале ши куыг дилар дика ду, къаысттина дика ду куыйгаш т1ехъ д1аяккха езаш х1ума елахъ я и шиъ ц1ена дуй шена ца хаахъ.

1аишата (Дела реза хуылда цунна) дийцина:

**«Шена (пайхамара) х1ума яа лиъча ши куыг дуьлу-
ра цо¹».**

Иштта вайла хъалха хиллачу дикачу наха а шеш яах1ума яале куыйгаш дуьлуш хилла, шайн дег1ана зен ца хилийтар-хъама.

¹ – Бухарий,286. Муслим,305.

2-ДИКА НИЙАТ ДАР

Яах1ума юуш дика нийят дина хила веза бусалба стаг, ша юучу я молучу х1уманах шена ял хилийтархъама.

Пайхамара (Аллах1ера салават а, маршалла а хуьлда цунна) аьлла:

«Баккъал а, 1амалш нияташка хъаьжина ю, баккъал а х1ора къонахчунна цо дагалаьцнарг хира ду²»

Цундела, ша юучу я молучу х1уманца марзо эца, я вузаран дуьхъа а ца юуш, Аллах1ан дезаш долу цхъана дикачу х1уманан дуьхъа аьлла яахъ мела хуьлу цунна.

Амма вуза я цуьнан марзо эца цо и яахъ, вузар бен ца хуьлу цунна, ял ца хуьлу.

Бусалбачу стага х1ума вузаран дуьхъа доцуш, кхечу дикачу балхана дуьхъа яа еза.

Цундела, яах1ума юуш дика ният динехъ, цуьнан нияти хъаьжина мела а хуьлу цунна, иштта вузар а хуьлу. Ткъа дика нията яах1ума юуш волучо дагалаца дог1уша долу, иза:

1-ШЕН ДЕГ1 ЛАРДАР

Х1ора адама Далла хъалха жопе ду шен дег1ах, и х1аллак хиларха лардар т1едиллина Дала цунна. Цундела, ша юу

² – Бухарий, 1. Муслим, 1907.

х1уманца шен дег1 х1аллак хиларха лардар аьлла яахь, цун-
на цунах дика ният хуьлу, мела хуьлу.

2-ЮУЧУ ЯАХ1УМАНАХ ШЕНА ХИЛЛАЧУ Г1О- РАЦА ДАЛЛА МУЪТ1АХЬ ХИЛАР ДАГАЛАЦАР

Ша юуш йолу яах1уманых шена хилчу г1ораца Дела реза
хуьлу х1ума дийра ду ша аьлла дага лацара мелехь ду.

Яах1ум юучун иштта дика ният хиларан билгалло ю цо
сов ца яар, лахахь аса хьаха мадар, я ша меца хилчий бен
яах1ум ца яар. Т1кьа ишттачу кепара яах1ум юуш хилла-
чунна лоьран дарбанаш кьезиг оьшура ду, х1унда аьлча, дук-
хох йолу цамгарш яах1ум нийса ца яарх хуьлуш йолун дера.
Т1кьа яах1ум нийса яаро могушалла лар йо.

3) -ЯА Х1УМА ЯАЛЕ ХЪАЛХА БИСМАЛ ДАККХАР

Яах1ума яа волавалле бисмал даккхара мелехъ ду.

Пайхамаро (Аллах1ера хъаствар а, маршо а хуьлда цунна)

аьлла:

**«Шух цхъаъ яах1ума яа волалуш цо олийла:
«бисмиллах1³»**

«Бисмиллах1» бохурга: **«Аллах1ан ц1арца»** бохурга ду. Иштта **«бисмиллáх1иррохьмáниррохьийм»** а ала ме-
гар ду.

Ткъа **«бисмиллáх1иррохьмáниррохьийм»** бохурга:
**«Аллах1ан ц1арца Сов Къинхетамечу Къинхетам бе-
чу»** бохург ду.

Ткъа яах1ума юуша бисмал даккхаро чу лоцу, Аллаx1ан
ц1арца яах1ума яа вола валар. Иштта волавалар беркате хи-
ра ду.

Амма яах1ума яа волавалле биссмал даккха вицлахъ,
яах1ума юуш шена дага ма деина эра ду: **«Бисмиллáх1и ав-
валах1у ва áхирох1у».**

³ – Абу давуд, 3767.

Пайхамаро (Аллах1ера хьаствар а, маршо а хуьлда цунна) аьлла:

«Амма иза вицлахь (ях1уман хьалха бисмал даккха) шена дагадеъча цо олийла: «Бисмиллах1 ав-валах1у ва ахирох1у⁴.

Цуьнан маь1на: «Аллах1ан ц1арца хьалхенгахь а, чаккхенгахь а».

Нохчий маттахь а ала мегар ду из.

Ях1ума юучо бисмал ца даьккхинехь, шайт1ано цуьнца цо юуш ериг юу. Амма ша бисмал ца даькхний дага а деъ-на, вицвелча даккха ма дезар бисмал даккхахь шайт1ано ша йиьнарг хьала1аьттайо. Цундела, шена дага деъча даьккхина а, ша ях1ума йиан валле даккха деза, шайт1ига цо йиьнарг хьала 1аьтта яйтархьам, иза дуза ца деш.

⁴ – Абу давуд, 3767.

4) -АБТТО Я АБРО АГ1ОННА Т1Е ДУКХ Т1ЕХЬ ПАРХАТ ВОЛУШ Д1АТАБ1НА ЦА ХИЛАР

Яах1ум юуш абтто я абро аг1онна дукх т1ехь пархат воккхучу кепара т1е таб1на яар дика лаърра дац динехь, ишт-та ца яар мелехь лаърра ду вайн динехь.

Пайхамарс (Делера салават а, маршалла а хуьлда цунна) аьлла:

«Амма аса д1атаб1ина волуш яах1ум ца юу⁵»

Дукха т1ехь сов д1атаб1ина волуш яах1ум яаро, стаге цуь-нан дег1 хьаште долчуллаь сов йоуьйту, цундела, дика ца лаърра бусулба дино д1атаб1ина яах1ум яар. Т1кьа сов яаро стаган совнах дилха т1е дуьллуьйту. Имам Иброх1ийм Ан-нахо1ис (Дала кьинхетам бойла цунах) аьлла:»

<<Д1атаб1ина болуш яах1ум яара ца дезара царна (хьалха хилчу дикачу нахана), шайн гайнаш даккхий хиларан кхоьруш>>».

Иштта т1аьхь сов д1атаб1ина лоруш ву букь т1е д1авижи-на а волуш яах1ум яар, иза дика дац.

⁵ – Бухарий: 5398.

5) -ЯЪХ1УМА ХЪАНАЛ ХИЛАР

Шен юух1ума хъанала хилийтара бусулбачу стега декхар ду,

Дала цунна т1едиллина долу. Х1ора адмана т1ехъ ду хъанал риц1къ даар, хъарам риц1къах лардалар. Лекха а, Сийлахъчу Дала къуръан чохъ аьлла:

«<<Х1ай ийман диллийнарш, Оха шайна делла хъанал риц1къ даа⁶>>».

Цундела, стага шен риц1къа хъарам долчух, я шеконе долчу риц1къах хилийта мегар дац. Ткъа хъарам риц1къа дуучуьн до1ан Дала жоп а ца ло, маьлла кхиъ дуккху зенаш а хуьлу цунна цунах.

Иштта хъарам риц1къ доккхуш волчу стаг волчехъ риц1къ даар хъарам ду, цуьнгара саг1а а, совг1ат а схъаэца а хъарам ду. Иза хъарам ду, нагахъ санна цуьнан дериге риц1къ хъарам далахъ. Амма цуьнан риц1къ ийна делахъ, цхъадерг хъанал долуш, важа хъарам долуш, т1аккха и волучехъ яах1ума яа мегар ду, амма ца йиича дезох ду. Иштта, цуьнгара саг1а а, совг1ат а схъаэца мегар ду, амма ца аьцчча дезох ду.

⁶ – (Аль-бакъара, аят: 172).

6) -ШЕН РИЦІКЪАНА РЕЗА ХИЛАР

Дала шена делчу рицІкъана реза хилар бусалбачу стега декхар ду.

Дала шена делчу рицІкъана пусар дар, Цунна хастам бар декхар ду бусалбачу стега, иза дукх аделахъ а, я къезиг де-лахъ а. Шен рицІкъан реза воцуш шен даг чохъ хІума хаа-лахъ, шегяхъ долчуллаъ шайгахъ доцучаьрга хьожийла иза, тІаккха хуур ду цунна Дала шех бина кьинхетам.

ЯхІуманна оьгІаз эхар, моханаш яр, сакхаташ дийцар магийна дац Дала.

Абу хІурайрас (АллахІ реза хуьлда цунна) аьлла:

«Пайхамаро (АллахІера салават а, маршо а хуьлда цунна) цІаллигора цІа, яхІуманна сакхаташ ца дийци-на, шена иза езахъ юура, шена иза ца езчи Іадда юь-тура⁷».

Цундела, пайхамарха (АллахІера салават а, маршо а хуьл-да цунна) масал эца деза шена яхІума дика ца реза воцучо.

⁷ – Бухарий,3063. Муслим,2064.

7) -НИЙСА-ОБЗДА ОХЪА ХААР

Яах1ум юуша бусалба динехь г1иллакхехь охъахаар шина кепара деъна вайн пайхамаригар (Делера салават а, маршала ахуьлда цунна).

Хьалхарнаг: Ши ког буха бахийтина, цу шинна т1е охъахаар, ламазехь аттахийят доьшуш санна.

Шоллаг1наг: Аьтто ког д1аа хоттийна, аьро ког буха бахийтина, цунна т1е охъа хаар.

Иштта охъахаар вайна билгалла дина, стаг кура сеттина охъа ца хаййта ша яах1ум юуш, х1унда аьлча, бусулба стаг ша яах1ум юуш нахах къаьста ца г1ерташ, обзда хиина 1аш хила везаш волун дера.

Кху шина кепара охъ хаара деза ду, вуьшта, муьлхачу кепара охъа хаа мегар ду, аьтто я аьро куйга т1е таь1ина ца хилчахьан лакхахь хьахдина ма хилар.

8) -ГАЙ Т1ЕХЪ ВИЖИНА ВОЛУШ ЯАХ1УМ ЦА ЯАР

Гай т1ехъ вижина волуша яах1ума яара, яах1ум яаран бусулба динан г1иллакхашах дац.

Пайхамаро (Делера салават а, маршо а хуьлда цунна) дика ца лаьрра иза.

1абдуллах1 ибн 1умаро (Аллах1 реза хуьлда цаьршинна) дийцина:

«Пайхамаро (Аллах1ера хьаставар а, маршо а хуьлда цунна) ца магинера ч1аг1ар т1ехъ долу стоьла хьалха охьа хаар а, гай т1ехъ д1а а вижина яа х1ума яр а»⁸.

Гай т1ехъ яах1ум яар хьарам ду бохург дац и, делахьаь, дика дац из, мелехъ дац, бусулба динац дог1уш дац. Нийсох а, мелехъ а дерг лакхахъ хьахдина ма хилар охъ хиьна волуш яар ду.

⁸ – Абу давуд,3774, Ибан Мажах1,3370.

9) -ЯЪХ1УМА ЮУШ ЦХЪАНА КХЕТТА ГУЛБАЛАР

Деза г1иллакхех ду яах1ума юуш берш гулбелла, цара цхъаний яах1ум яар, х1орамо ша-ша а ца юуш, х1унда аьлча, цхъаний яах1ума яаро юучу х1уманан беркат са доккху дера.

Цхъаболу асхъабаша (Аллах1 реза хуьлда царна) пайхамарига (Делера салават а, а, маршо а хуьлда цунна) элира: – **«Оха яа х1ума юу, делахь а, тхо дуза ца дузу».** – **«Аш яах1ума цхъаний вовшах кхетта юуш хира яц»?** – **хаьттира цаьрга Пайхамаро (Делера салават а, маршо а хуьлда царна) – «Цхъаний ца юу оха» – элира цара.** – **«Шаьш яах1ума юуша вовшах кхаьтта цхъаний яа, биссмал а даккха, Дала беркат дийра ду шуна шун яах1умангахь, – элира пайхамаро (Делера салават а, маршо а хуьлда цунна).⁹»**

Цундела, цхъан х1усамехь болу наха, я цхъана гулбеллачу наха х1орамо ша-ша а ца юуша, цхъаний вовшах кхетта яара вай динан г1иллакхах ду, мелехь ду, юу х1ума алсам беркате хиларх а ду.

Иштта пайхамаро (Аллах1ера хьаставар а, маршо а хуьлда

⁹ – Абу дауд, 3764.

цунна аьлла):

**«Цхъана стега яах1ума шинна тоьара ю, шинний
яах1ума веана тоьар ю, веани яах1ума бархана тоьа-
ра ю¹⁰».**

И бохурга, яах1ума кьезиг ялахь а, иза юуш гулбалар дика
хилар ду, кьезиг ялахьаь вовше екъар а ду.

¹⁰ – Муслим, 2059.

10) -ЯАХ1УМА КЕЧ А ЙИНА, НАХ КХАЙКХАР

Мелехъ ду нах яах1умане кхайкхара. Яах1ум кеч йина кхойкхийла цо уыш, я цхъанна яах1ума юу меттиге кхойкхийла цо уыш.

Яах1ума наханна яа яр Аллах1ана дезаш х1ума ду, ял хуьлуша х1ума ду иза.

Алах1ано боху къуръан чохъ:

«Аллах1ана муьт1ахъ хуьлуш болучара яах1ума яа йо, шайна и езашехъ а, шеш цуьнга хъаште болушехъ а, мискачу стагана а, буо берана а, йовсарна а. Цара олу, оха шуна яах1ума яа йо Аллах1ан дуьхъа, шуьгара бекхам а, баркалла а ца оьшу тхуна¹¹»

Цу айтехъ Алах1ано гойту вайна, яах1ума яош волучунна ният ц1енна Аллах1ан дуьхъа хила дезаш хилар, ша дечу дикачу х1уманехъ адамигара цхъанне х1уманга сацатийсар.

Нахерга яах1ума юийтуша волучунна, пайхамарийн (Делера салават а, маршо а хуьлда цунна) сунната ч1аг1дарна а, даржадарна а яьл хуьлу.

¹¹ – Аль-Инсан, аят: 8—9.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.